



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

VI. Pontificis inauguratio & munus in sacrificiis peragendis quotidie, & in
adeundis quotannis solemni die adytis templi. Ozias lepra percussus, quòd
sacerdotum munus usurparet.

urn:nbn:de:hbz:466:1-15591

quidem parte accuratiū conferri possit.

IV. Moses Maimonides Iudeos tria mandata à Deo accepisse observavit. Vnum, ut Regem constituerent; alterum, ut Amalekitas delerent; tertium, ut templum condenserent. Quae quidem longo intervallo, & diversis temporibus, sed eo ordine confecta sunt, quo iusta erant. Quippe Rex creatus fuit antequam Amalekitæ interneceione delerentur, tum verò, postquam infanda gentis istius obliterata memoria fuit, templum extructum est. De rege Israëlitis dando cogitavit Deus, quod omnes in vicino gentes sub unius imperio viverent, ut diserte scriptum est Deuteronomij capite xvii. Suetum enim regibus Orientem graviter monet Claudio Civilis apud Tacitum. Itaque non est quod ex eo capite immunitum eant Regibus majestatem, qui Reges in pœnam Israëlitis datos docent; cùm pateat res Iudeorum ab initio ita constitutas à divino numine fuisse, ut Regis imperium illis esset subeundum. Quod cùm ita sit, futurumque Regem pro genio & indole illius populi Deus edixerit; querendum est, cur summam rei à Samuële ad Regem aliquem transferri indignè tulerit. Expedita est responsio, quam vir cordatus Moses Ægyptius protulit; non exprobrasse Samuëlem Israëlitis quod Regem expeterent, sed quod Samuëlis imperium exosi, querelis & leditiosis vocibus Regis constitutionem urgenter, factione extorquerent quod peritum oportuit, ea mente ut legis præcepto fieret satis. Regum autem conditionem, unctio-nis ceremoniæ sacraverunt. Quae unctio tantam majestatem illis conciliavit, ut sacrosancti in terris haberentur. Etenim unguentum quo ungebantur, confectum fuit semel à Mose è quatuor speciebus aromatum: quod vase corneo inclusum, ad ungendos Reges, Pontifices, arcam testimoniij, mensam, candelabrum, utrumque altare, labrum amplissimum, ipsum tabernaculum, & vase Sanctuarij, per novem secula usque ad Iosiae Regis tempus suffecit. Quanquam Reges in capite ad coronæ formam ungerentur; summis autem Pontificibus in capite oleo perfusis, etiam inter supercilia crucicula X. unguento effigieretur, ut notat Maimonides. Samaritæ novitios Reges balsamo tantum inunxit Elias; non unguento illo sacro quod diligenter asservabatur in Templo Hierosolymitano, cum quo nullum erat commercium Samaritani. Quantam verò dignitatem Regi contulerit unguenti sacri delibutio, è Talmudicis retulit ille quem laudavi Moses; qui docet decretum fuisse ut Pontifex Maximus Regem

veneraretur, & staret adventante Rege, locumque illi suum cederet. E contrâ Regem non stetisse præsente Pontifice, nisi cùm oraculum Vrim consuleret. Præterea si quis è Prophetis ad Regem accederet, humiliiter se in terram coram Rege submissus, exemplo Nathan, qui coram Davide ore prono procubuit in terram.

V. Nec etiam illud omitendum est, Regem solum in sacratiōribus atrij spatiis sedisse. Divisum quidem erat atrium in duas partes, ita ut hæc Sacerdotibus, illa populo esset assignata; intra præscriptos tamen terminos, Sacerdotes stantes manabant. Senatoribus verò Sanhedrin sedendi jus fuit, sed in medio ejus spatij loco quem vulgus occupabat. Præterea ex ista unctione profectum est ut Reges non solum res civicas domi militiæque procura-rint, sed etiam ea tempestate religiones ceremoniæque constituerint, aut restauraverint. David Rex octo Sacerdotum stationes à Mose constitutas (è quibus quartu ab Eleazaro, totidemque ab Ithamaro, gentem suam duxerant) sexdecim stationibus auxit, ita ut viginti-quatuor stationibus sacrificiorum ordo esset distributus. Harum seriem recitat Iosephus: quæ ita vices suas servabant, ut singulæ Hierosolymam venirent per hebdomadam integrum, sacris operatura. Has stationes è pueblas B. Lucas appellat. Levitas in classes viginti-quatuor idem Rex editio suo divisit, ut facilius Sacerdotibus ministeria sua impenderent. Totidem familias alias Levitarum instituit, qui voce & organis inter sacra canerent, totidemque stationes adiutorum. Eadem cura Salomonem incessit, ne ceteros Reges enumerem, qui rerum divinarum curam gessere. Quod ab iis jure regio tentatum est; non autem eo nomine quod Vates essent, ut vulgo dici solet. Si enim Davidem excipias, & fortè Saülem, ceterorum nemo inter Prophetas recensitus est. Sed Salomo, Iosaphat, Ezechias, & Iosias jus & potestatem in Pontifices & in res divinas exercuerunt, quod sacro unguenti effente delibuti.

VI. Proximus à regia dignitate honor in Summis Pontificibus effulgit. E sacerdotalibus familias unà tantum pontificalis extitit, ex instituto Mosis; unde delectus Summus Pontifex: qui sacra unctione & Pontificalia ueste inaugurabatur primum, sed post restorationem templi, sacro oleo deperditio, solius vestis amictu initiatus est. Sacerdotum munus in universum hoc fuit, ut victimas in templo cæderent, vota pro populo offerrent; Levitarum autem, ut

sacrificantibus Sacerdotibus ministrarent, arcam ferrent, & cetera id genus exequentur quae libris sacris prodita sunt. Sed Sacerdotum quidem ceterorum divisa functione erat per vices, ut dixi. Soli autem Pontifici, ut docet Maimonides, omnia sacra & omni tempore obire fas fuit, nullo stationum ordine servato. Præcipuum autem munus Pontificis in eo versabatur, ut templi adyta intraret, quæ sancta sanctorum Hebrei appellant, solenni scilicet expiationum felto, quod die decimo mensis Tisri quotannis celebrabatur. Neque enim alio tempore, neque aliam ob causam, vivere potuit secrætissimum locum. Altare incensi velo separatum fuit ab ipsis adytis, ubi erat arca testimonij. Quotidie in hoc altari adolebat thura Pontifex; sed intra velum non adibat, nisi quotannis solennie. Tota isthac sacrificiorum peragendorum ratio Pontifici, Sacerdotibus, & Levitis adeo erat addicta, ut Regibus nihil in ea parte liceret. Quare Ozias lepra percussus est, quod Sacerdotum ministerio injuriarum faciens, incensum in altari adolevisset. Tractare itaque sacra manibus suis Reges non poterant, sed jure suo munerum partitionem & executionem familiis Leviticis indicere.

C A P V T V.

Synopsis.

I. Iudicia Regi permitta; sed majora negotia ad Synedrium pertinebant. Id constitutum à Moysi. Et viri LX X I. Senatores letti è splendidioribus familiis & Sacerdotibus ac Levitis. Potestas collata manum impositione, deinde verborum formula. Ab hoc Senatus non provocabatur.

II. Princeps confessus à ceteris delectus, Pater Confitorij. Quoridianus conuentus. Cognitio de Religione & Republica. Pontifex adlectus in hoc Consilium. Regem castigabat pœna ecclesiastica. Pontificem aliquando capite.

III. Praeter Synedrium, duo alia Consilia Hierosolymis, & in ceteris oppidis Iudea, que reliqua negotia dirimebant. Synedrio Rex non intererat; sed in rebus arduis illud consulebat, ex Iosepho. Politia Iudaica permixta in iudiciis reddendis; sed divisa in ministeriis bellorum, & regende Republica, que Regi, & sacrificiorum, que Sacerdotibus comperebant. Levites adjuncti ad rerum civilium curam.

IV. Synedrij potestas à Romanis paulatim immunita; & post Archelai relegationem omnino extincta, quoad res civiles. Sola controversia legales illi relitte.

V. Vsurpatio Romanorum, que Moses politiam evererat, à Christo confirmata. De tributis, & de censu Iudeorum, aliqua nondum accurate explicata. Unde sententia Christi, potestas Cesarii in Iudea quoad res civiles constituta, & à Synedrio ablata.

V. Eandem rationem sequitur Christus in Republica Christiana instituenda. Res spirituales soli Petro committit. Cetera relinquit Cesari. Injuria fit Pontifici & Regi, cum è Republica Iudeorum argumenta petuntur. Que in Synagoga permixta erat rerum sacraram & civilium iurisdictio, apud nos est distincta.

I. **Q** uod attrinet ad judiciorum ordinem, Regibus quidem permissa erat judicandi potestas, ut & belli gerendi; sed graviora quæque Synedrio communica-
bant. ut nullum apud me dubium sit, quin decreta Regum, quorum superius memini, de ordine Levitarum, & de ceteris rebus sacris, de consensu magni Synedrij sint statuta. Hoc Consilium à Moysi, Dei iussu constitutum fuit è septuaginta viris Israël, in quos effusa est pars spiritus illius principalis, quo instructus Moses populum regebat. Adfessorum numerus unius erat supra septuaginta, Moysi adjecto. Id Consilium usque ad extremam Iudæa desolationem mansit in urbe, ejusque sedes in ipso sanctuario fuit. Septuaginta autem illi Senatores non è plebe lecti, sed ex iis familiis que amplitudine majorum & splendore commendabantur; Sacerdotibus & Levitis, æquè ac ceteris, in hunc cœtum adscitis. Hæc verò dignitas nemini data est sine actu legitimo, id est, impositione manuum; ad exemplum Mosis, qui Iosua & LXX. senioribus manum imposuit. Hæc autem manum impositione tandem cessavit, eique formula quadam certis verbis concepta succedit, qua illi Senatores initiati sunt. Ab hoc Senatu non erat provocatio. Quipimo quidquid à ceteris magistratibus decidi non poterat, ad horum jurisdictionem pertinuit.

II. Qui auctoritate præcellerent, duo fuere; Princeps Confessor, quem Naso vocabant, à ceteris delectus, qui Mosis locum tenebat. Inter ceteros, qui præstabat ætate, primum locum ad Principis dexteram obtinebat, quem Patrem Confistorij appellabant. Ceteri sexaginta novem sedebant ordine dignitatis & promotionis. Conveniebant quotidie, & considebant à matutinis horis usque ad vesperam; hac lege, ut cuique pro suorum negotiorum ratione abesse aut abire liceret, dummodo tertia pars Consilij, id est, viginti tres supereissent. Senatus ille de rebus præcipuis cognoscet, religionem & rem publicam attinentibus; verbi gratia, de controversiis legalibus, anno intercalari, Pseudoprophetis, Apostatis, de Rege, Pontifice, bello, federibus, legatis, vecigalibus, publicis aedificiis, magistratibus inferioribus, & ceteris ejusmodi. Ex eo autem quod Senatus ille